

ՀԱՅԱՍՏԱՆԻ ՀԵՈՒԹՅՈՒՆՆԵՐԻ ՊԱՀՊԱՆՈՒԹՅԱՆ ՊԱՏՄՈՒԹՅՈՒՆԻՑ
(1919—1964)

Մեր ժողովուրդը հազարամյակների ընթացքում կերտել է մշակութային բազմաթիվ կոթողներ, որոնք Հայաստանը վերածել են պատմական մի հույակերտ թանգարանի: Ու թեև դրանք շատերի պահպանությունը մինչև օրս թողնված է հեղեղ բախտի քահանայություն, այնուամենայնիվ, այս կոթողները միշտ էլ գրավել են մեզ ժողովրդի գիտական խավերի ու մտավորականության ուշադրությունը: Նրանք իրենց ուժերի ներածին չափով արել են հնարավոր՝ ապահովելու գրանց վերականգնումն ու պահպանությունը:

Հայաստանի հնությունների պահպանության կոմիտեի նախագահ Ալեքսանդր Թամանյանը, գիտական քարտուղար Աշխարհարևյալ Քալանթարը, հայկական ճարտարապետության գիտական ուսումնասիրության հիմնադիր Թորոս Թորամանյանը, Հայաստանի պետական թանգարանի գրականության բաժնի վարիչ, բանասեր Արվանդ Շահադիզը և այլ երախտավորներ ժամանակին վիթխարի ծառայություն են մատուցել պատմական հնությունների գիտական ուսումնասիրության, չափազանց, հաշվառման, լուսանկարման ու պահպանության գործին:

Ստորև ներկայացվող փաստաթղթերը ցույց են տալիս, թե խորհրդային իրավակարգի տարիներին ինչ վիճակում էին որոշ հնություններ, և ինչ ուշադրության է արժանացել դրանց պահպանության գործը: Որոշ փաստաթղթերում հայ եկեղեցու նկատմամբ դրսևորվող վերաբերմունքը ժամանակի հասարակական հարաբերությունների արտահայտությունն է:

Փաստաթղթերը պահվում են ՀՀ պատմության պետական կենտրոնական արխիվում:

ԱՆ. Ա. ՍԱՐԳՍՅԱՆ

Հայաստանի Հանրապետության հանրային կրթության և արվեստի նախարարության նիստում Կրթության և արվեստի նախարարին՝ Թիֆ-Կիսի Լավիսյանին թանգարանում պահպանվող հայկական հնությունները Հայաստանին հանձնելու կապակցությամբ:

11 օգոստոսի 1919 թ.
Երևան

Մինիստրության կարծիքով առաջիկա հայ-վրացական բանակցությունների սկզբին պետք է հատուկ ուշադրություն դարձնել «Կովկասյան մուզեում»¹ սեղ գտնվող հնություններից և նյութերից Հայաստանին և հայությունը վերաբերող իրերի ու հավաքածուների մեջ հանձնելու խնդրի վերաբերյալ:

Թիֆլիսի մեր ներկայացուցիչ Դ. Զավրիյանի և «Կովկասյան մուզեում»^{*} հնագիտական բաժնի նախկին վարիչ պ. Սմբատ Տեր-Ավետիսյանի² տված տեղեկություններից երևում է, որ հիշյալ «մուզեում» հնագիտական բաժնի Ձ/3-մասը պատկանում է հայ ժողովրդին: Պատեղագրի սկզբին Ս. Տեր-Ավետիսյանը հիտությունը ճեմարանի հանձնարարությամբ շրջել է նախկին Երևանի Հայաստանի Երևանից և ժամանակավորապես (այսպես կոչված համար) վերադարձնելու պայմանով «Կովկասյան թանգարան» է տեղափոխել:

1. Հանի շրջանից «Սեպագրերի հարուստ ժողովածու»

2. Էրզրումի շրջանից հայկական և հայագիտական մի ամբողջ դարանգարան

^{*} Միօրինակությունը չի պահպանված թանգարանում, որտեղ օգտագործվում են և՛ «մուզեում», և՛ «մուզե» ձևերը:

3. Վանից և Տարոնից եկեղեցական և պատմական իրեր, որոնց թվում և Առաքելոց վանքի՝ հռչակավոր քանդակագործ դուռը՝ խլած տաճիկներից Բիթլիսում:

Մինիստրության գործը հաջողության տեսակետից, ցանկալի է համարում, որ վրաց կառավարության հետ քանակցելու Թիֆլիս գնացող պատվիրակները տեսնվեն պ.պ. Դ. Զավրիյանի և Ս. Տեր-Ավետիսյանի հետ իրերի գրության ավելի մաքրամասն ժանոթանալու և ըստ այնմ պահանջ ներկայացնելու համար:

Բացի դրանից, մինիստրության կարծիքով, Թիֆլիս գնացող պատվիրակները պետք է բանակցեն մի շարք այլ անձների հետ Թիֆլիսում գտնված կուլս ուրախան ուսումնական հաստատություններից մեզ հասանելիք բաժինը ստանալու վերաբերմամբ ինչպես օր. նույն մուզեումի ուսումնական կոմիսարիատի, ուսուցչական ինստիտուտի գրադարանների, մանկավարժական մուզեումի և այլևայլ գիտական հաստատությունների և այլն:

Հաճախյին կրթության և արվեստի
մինիստր (նիկոլ Աղբալյան) 4

Յ. 207, ց. 1, գ. 38, թ. 11: Մեքենագիր: Պատճեն:

Հայաստանի լուսժողովի գիմումը արդգործժողովին՝ ժամանակավորապես Թիֆլիս տեղափոխված հնությունները նրան փոխադրելու մասին

17 հոկտեմբերի 1921 թ.
Նրևան

Խնդրում եմ միջնորդություն հարուցել վրաց կառավարության առաջ Հայաստանի Հնության և արվեստի պահպանության կոմիտեի գիտնական քարտուղար ընկ. Աշխարհաբեկ Լուսու-Քալանթարին՝ աշակցել նրան փոխադրելու մեր այն հնությունները, որոնք 1916—1918 թթ. ընթացքում տարվել են Թիֆլիս և պահվում են այնտեղ:

Այդ հնություններն են.

Ա. Անիի դրամները մի առանձին արկղի մեջ, որ Կովկասյան պատմահնագիտական ինստիտուտի կարգադրությամբ 1918 թվականի սկզբին Անիի Վնադարանից վերցրել ու տարել են Թիֆլիս (Դ. Դորդեկ),

Բ. Առաքելոց վանքի դուռը, որ 1916 թվին Հայաստանից Թիֆլիս է փոխադրել Ս. Տեր-Ավետիսյանը և ժամանակավորապես տեղավորել Կովկասյան թանգարանում՝ էջմիածին ուղարկելու պայմանով, բայց մինչ օրս մնում է նույն թանգարանում:

Լուսժողով [Աշտո Հովհաննիսյան]

Յ. 122, ց. 1, գ. 41, թ. 77: Մեքենագիր: Պատճեն:

Հայաստանի հնությունների պահպանության կոմիտեի նամակը հոլ-ժողովի տեղակալ Շադունցին՝ Հայաստանի հյուսիսային սահմանագծի վրա, անտառապետության շրջանում գտնված հնությունների առկա վիճակի մասին

22 հոկտեմբերի 1924 թ.
Նրևան

Հայաստանի հնությունների պահպանության կոմիտեի հնագիտական էքսպեդիցիան Հավարի շրջանի հնությունների ուսումնասիրության միջոցին, անցյալ սեպտեմբեր ամսին, անցնելով մեզ հյուսիսային սահմանագծով, գտավ, որ անտառապետության սահմաններում եղած հնությունները մատնված են կատարյալ անուղադրության ու քարուքանդի, այնտեղ շատ խոշոր հուշարձաններ դարձած են անասունների կողմեր, ավերակացած և նույնիսկ քարահանքի վերածված հարևան գյուղացիների կողմից:

Շրջանի բոլոր հուշարձանները, որոնք հայ արվեստի ընտիր ստեղծագործություններ են, ներկայումս գտնվում են իսպառ կործանման վտանգի առաջ:

Չմտնելով ավելի հին դարերի փորքերը, մենք, ըստ այդ հուշարձանների, տեսնում ենք, որ պատմական Հայաստանի այդ մասը ևս ունեցել է ծաղկման այն շրջանները, ինչ որ մնացած Հայաստանը, այն է X, XI և XII դդ. (Բագրատունիների և Սպասալարների տիրապետության շրջաններին՝ Հայաստանում):

Հայկական կուլտուրայի բազմաթիվ մնացորդների տարածման շրջանը չի սահմանափակվում ներկա հայ-վրաց սահմանագծով: Նա առանց ընդհատումների, խմբական հուշարձաններով, հասնում է մինչև Սամշուլդա⁶ (Օրբեթ) բերդաքաղաքը (Խրամի վրա), որ մալրաքաղաքն էր Անիի Բագրատունիների այն ճյուղի Կորիկենների, որ թագավորում է Լոռիում: Այդ դինաստի հիմնադրի, Անիի Աշոտ Գ. Ողորմածի որդի Գուրգենի մայրաքաղաքը Սանահինն էր (X դարի վերջին քառորդում), բայց նրա որդի Դավիթ Անհողինը իր աթոռը փոխադրեց Սամշուլդա, իրեն հպատակեցնելով Թիֆլիսի և Գանձակի էմիրներին:

Թե՛ Դավիթը, որ 50 տարի հաջողությամբ կառավարեց և թե՛ նրա բոլոր հաջորդները (ներանց ժամանակ մայրաքաղաք էր Լոռի քաղաքը) մինչև XII դարու վերջերք մեծ շինարարություն կատարեցին իրենց պետության սահմաններում: Այդ դինաստի բոլոր ներկայացուցիչները թաղված են Սանահինի և Հաղպատի վանքերում, պահվել են արձանադրված տապանաքարեր:

Սրան հետևում է Ամիր Սարգսի և նրա որդոց Զաքարե և Իվանե Սպասալարների (Լոռեցի հայ իշխաններ) և նրանց հաջորդների տիրապետության շրջանը (XIII—XIV դդ.), երբ շինարարությունն ամբողջ Հայաստանում և մանավանդ նրա հյուսիսային մասում նոր և մեծ թափ է ստանում:

Մեղ հետաքրքրող շրջանի հուշարձանները (նկատի ունենալով գետին երեսին մինչև այժմ պահվածները), մի շարք բերդաքաղաքները (Սամշուլդա, Դմանիս⁷, Մոթ⁸, Շուլավերի⁹ մոտ, Խորակերտ⁹, Աղթալա-պղնձահանք¹⁰, Կաթոն¹⁰, Շնող¹¹, Կալուն¹², Լոռի¹³), խոշորագույն վանքեր (Աղթալա¹⁴, Խոթոռնի¹⁵, Զիլի¹⁶, Խորակերտ, Չանախչու¹⁷ վանք, Խուլաթ¹⁸, Բղավոր¹⁹, Սեդ-վի²⁰ Հաղպատ, Սանահին...), բազմաթիվ ամրոցներ, կամուրջներ, ամեն վայրում եկեղեցիներ և այլ տիպի մանր արձաններ պատկանում են գլխավորապես Գիշյալ ծաղկման շրջաններին: Բայց XIV դարից հետո էլ մինչև XVII—XVIII դարը մենք տեսնում ենք այդ երկրում հայ մարդու ձեռքով շինարարությունը շարունակվելիս այդ վայրերում, ուր ազգաբնակչությունը եղել է ֆեոդալական հայ (բոլոր տեղերի ընդարձակ հանդստարաններում արձանագրությունները միմյանց հաջերեն են):

Այս բոլոր մնացորդները միանգամայն հաստատում են այն պատմական դոկումենտները հայ-վրաց սահմանագծի մասին: XII—XIII դարերի, որ արձանագրված է Զաքարիայի¹ կողմից 1202 թվին մի խաչքարի վրա, որ մինչև օրս էլ կանգնած է Լոռի քաղաքի պատմական մեծ ճանապարհի վրա, ուր ասված է, թե Ամիր Սարգսի և Թամար թագուհու միջև կայացած համաձայնությամբ Հայաստանի և Վրաստանի սահմանը կազմեց Խրամը և այս մի այնպիսի ժամանակ, երբ Հայաստանը զուրկ կենտրոնական ուժեղ կառավարությունից՝ մեծ զիջումներ պետք է աներ Վրաստանին:

Մեր հնագիտական էքսպեդիցիան Հայաստանի հնությունների ուղիստրացիայի միջոցին, անցնելով հայ-վրաց ներկա սահմանագծով, կարողացավ քննություն առնել այս անգամ միայն իր ճանապարհի վրա գտնված հետևյալ խոշոր հուշարձանները. Լավարի կատարից մինչև Խոթոռնի Բզա-

* Այժմ՝ Շահումյան տվան Վրաստանի Մանեհուլի շրջանում:

** Այժմ՝ Ալավերդի քաղաքը:

վորի տաճարը, Դարձ²³, Ս. Սարգիս²³ և այլ 13 միատիպ փոքր վանքեր (մի նեֆով բազիլիկաներ²⁴, օրորոցաձև տանիքով), Ուշքիլիսի* և Խոթոռնու միջև սրանք բոլորն էլ պահել են հայերեն արձանագրություններ: Սեր ճամփի աջ կողմում մնաց Աղթալա վանքը, տր շինել է Իվանեն և ուր թաղված են թե՛ ինքը և թե՛ իր որդի Ավագը:

Խոթոռնու խաչածե գմբեթավոր տաճարն ունի բազմաթիվ արձանագրություններ, որոնց մեջ շատ կարևոր բովանդակություն ունի մանավանդ Վասակի որդի Սմբատի մեծ արձանագրությունը 1191 թ. (հայոց թվով 640 թ.), որի մեջ եկեղեցին կոչվում է Կաթողիկե Խոթոռնու:

Խոթոռնու և Զիլիզի միջև է գտնվում Աղեղու փոքրիկ վանքը XVIII դ., իսկ Զիլիզը (Խոթոռնուց դեպի արևմուտք), որ շինած է X դարում փոքրիկ վանքի ձևով, XVI դարի վերջում տեղի Պարոն Ղորխմազը հին եկեղեցին դարձնելով ափսիդ, առաջը կառուցել է երեք նեֆանի մեծ բազիլիկա, զանգակատուն ևն. շենքի մեջ թաղված են Ղորխմազը, նրա որդի Ջալը (1676 թ.) և սրա որդի պարոն Ոսմազը, որոնց տապանաքարերը ընտիր քանդակներով և հայերեն գեղեցիկ գլխավոր արձանագրություններով պահվել են իրենց տեղերում, թեև տաճարը խոզալոցի է վերածված այժմ և շատ տեղեր փլուրջված, ափսիդի ճակատի մի արձանագրությունը (շինության մասին է) երեկոյան մութի պատճառով չհաջողվեց ընդօրինակել:

Չանախչի գյուղի եկեղեցին (X դարու, նորոգած XIII դարուն) և նրա ժամանակակից մեծ դամբարանը իրենց վրա շունեն արձանագրություններ, ընդ շուրջը եղած ընդարձակ հանգստարանում շատ արձանագրություններ (հայ) կան տարբեր դարերի, հին թե՛ նոր:

Չանախչուց ուղիղ դեպի հարավ 3—4 վերստի վրա է գտնվում Խորակերտի նշանավոր վանքը (կոչվում է նաև Չանախչու վանք), սա որ նույնատիպն է Հալպառի բարձրաքաղ Ս. Գրիգորի, Հաղարծնի, Գոշավանքի, Սաղմոսավանքի, Բագնայրի... և նրանց նման բարձր ճարտարապետական ստեղծագործություն, բացի խոզանոց դառնալուց քարահանք է ծառայում ներկայումս շանախչուց և օփրեթեցույ²⁵ համար: Այստեղ ընդարձակ շինարարություն է կատարվել դարերի ընթացքում: Վանքի շրջակայքում կան բնդարձակ բնակության հետքեր, ուր հավանաբար գտնվում էր X դարի անուն հանած Նույնալուն (եռրակերտ) քաղաքը, վանքի շենքերից 4-ը այդ ժամանակի են (X դար), որոնց մեծ մասը վերջերս քանդել, ավերակի են վերածել, հրաշակերտ գավաթի տանիքից մնում են խաչածե կամարները միայն օդում կախված: Մեր այցից ընդամենը մի քանի օր առաջ ուզենալով մեծ տաճարն ևս քանդել, փլցրել են նրա հարավային պատերը: Մի քանի տասնյակ արձանադրություններ ծածկում են հուշարձանի պատերը, բոլորն էլ հայերեն գրություններ են, որ X դարում գործ են, նույն ժամանակ է կառուցված խաչածե մեծ տաճարը, որը սակայն XIII դարում կրել է հիմնական նորոգում, և արևմտյան կողմից նրան կցվել է գեղեցկաշեն գավաթը (Հովհաննու որդի Ստեփանոսի ձեռքով 1252 թվին արևմտյան դռան ճակատի մեծ արձանադրությունը): Մի մեծ նորոգում էլ կրել է տաճարը XVI դարում՝ 1551 թ., պարոն Շահնազարի և իր եղբայր Ավթանդիլի ձեռքով (հարավային պատի արձանագրությունը), հիշվում է մի ալմաստ Շահնազար՝ 1710 թ. (հյուսիսային պատի արձանագրությունը): Մի քանի թվակիր արձանագրություններ տեղեկություն են տալիս ավելի ուշ ժամանակ (XVII—XVIII դարերում) վանքին արված մեծ նվերների մասին: Միևնույն ժամանակ, նորոգողների և այլոց դերեզմանները արձանագրված տապանաքարերով գտնվում են բակի մեջ:

Հաջորդ մեծ շենքը Խուզարի վանքն է, որ Խորակերտից մոտ 3 վերստի հարավ-արևմուտք է գտնվում, Աղբյուրից նույնքան հարավ, Հին եկեղե-

* Խուճապ վանքի թուրքերեն անվանումը:

²⁵ Հունարենակ գյուղ Մառնեուկի շրջանում:

ցին, որ բազիլիկ տիպ ունի 3 նեֆով, V դարու գործ է: Այստեղ կան ավելի հնագույն շենքերի մնացորդներ (պարսպի մոտ), մեծ եկեղեցին, որ խառնուրդ է բազիլիկի և խաչածե է, ունի կենտրոնում բարձր գմբեթ՝ X դարու է, հետագայում նորոգված, X դարու է նաև մատուռ-դամբարանը: Օփրեցիք ս.սրիներ առաջ քանդել են տաճարի ընդարձակ պորտիքը* և քարեղջ տարել են իրենց եկեղեցու շինություն համար, ինչպես նաև մեծ տաճարի հարավային մուտքի խոշոր քարերը, որի տիմպանի** վրայի ընդարձակ արձանադրության (հայկերեն) մասին հիշում են աղբյուրներից, ուրիշ 2—3 տեղում էլ (խորանի մուտքի գլխին և պատերի վրա) երևում են ջարդոտված արձանադրությունների (հայ) հետքերը: Վանքը երկար ժամանակ և մշտապես եղել է բանուկ, որ երևում է անընդհատ կատարված նորոգման աշխատանքներից և այն գերեզմանից, որ գտնվում է նրա մեջ: Սրա վրա գրված է. «Այս է տապան Ադալի որդի Մարութին, որ փոխեցավ թվին ՌՃՀԶ» (1727):

Խուչաբն այժմ պահվում է շատ մաքուր, շնորհիվ այնտեղ բնակվող ոռու կույսերի: Ոռու կույսեր ներկայումս կան նաև Աղթալայի վանքում, երևի այն պատճառով, որ այս վանքերը եղել են երբեմն հայ քաղկեդոնականների (ուղղափառ հայերի) ձեռքին, որոնց թիվը մի ժամանակ մեծ էր ամբողջ Հայաստանում:

Կոմիտես չի երկմտում, որ այս տեղեկագիրն ստանալով, Ձեր կողմից կարվեն ամենակտրուկ կարգադրություններ Ձեր ներկայացուցիչների միջոցով՝ ապահովելու հիշածս հուշարձանների պահպանությունը, որոնք՝ մեր ճարտարապետության ընտիր կոթողներից են և չափազանց մեծ արժեք են ներկայացնում թե՛ պատմական և թե՛ գեղարվեստական տեսակետից:

Հնգգիտական էֆսպեդիցիայի ղեկավար.

Կոմիտեի գիտնական Բարազյան ԱՇԽԱՐՀԱՅԵԿ ՔԱՂԱՔԱՐ

Ֆ. 1063, ց. 1, գ. 14, թ. 1—2, Մեքենագիր: Պատճենը:

Այրաբաթյան թեմի խորհրդի նախագահ Հակոբ ավագ Բահանա Խաչվանցի նամակը՝ ՀՀՊ կոմիտեի նախագահ Ա. Թամանյանին՝ Նվառդ գյուղի եկեղեցին վերականգնելու մասին

8 օգոստոսի 1925 թ.

Երևան

Նվառդ գյուղի հասարակությունը երկար ժամանակ զուրկ է մնացել եկեղեցական արարողություններից, եկեղեցու կտուրի փուլ գալու պատճառով: Այդ դրությունից դուրս գալու համար համայնքը որոշել է ծածկել կտուրը, բայց ինչ-որ թյուրիմացությամբ եկեղեցու պատերը միացել էին հին վանքի հետ:

Թյուրիմացությունը վերացնելու համար խնդրել էի Ձեզ համաձայնել թույլ տալ ծածկի գործը շարունակելու, համաձայնեցնելով հնություն կիրք մասը թողնել կոմիտեի տրամադրության և վերացնել խորանների պատերը: Արդ, ես խնդրում եմ, ըստ կարելույն փութացնել այդ խնդրի լուծումը: Նվ հարմարություն տալ հավատացյալ համայնքին ծածկելու եկեղեցին՝ հոգեկան մխիթարությունից զուրկ չմնալու:

Այրաբաթյան թեմի խորհրդի նախագահ
ՀԱԿՈՐ (ավագ Բահանա) ԽԱՉՎԱՆՔԱՆԵ

Ֆ. 1063, ց. 1, գ. 27, թ. 5, Ինքնագիր:

* Եկեղեցու շրամուտք:

** Եկեղեցու դռնադլիխի ճակատակապ քար (բարավոր):

Հայաստանի հնությունների պահպանության կոմիտեի դիմումը Երևանի ֆաղգավազարձկուսի նախագահին՝ Մաղկաձորի նշանավոր հուշարձանների բերեկարգման մասին

28 ապրիլի 1926 թ.
Երևան

Նկատի առնելով այն հանգամանքը, որ գաղզործկոմիդ կողմից շուտով ձեռնարկվելու են աշխատանքներ, նվիրված Մաղկաձորի (Դարաշիշա-գի) կարգավորման-բարեկարգմանը՝ կոմիտեի որոշեց դիմում անել Ձեզ հետևյալին համար մի որոշ գումար և տրամադրելու այն կոմիտեին՝ Մաղկաձորի նշանավոր հուշարձանները նույնպես, տեղում կատարվող աշխատանքների հետ զուգընթաց՝ դնելու բարեկարգ վիճակի մեջ (հուշարձաններին տեխնիկական օգնություն ցույց տալու, թափված բեկորները հավաքելու, շուրջը մաքրելու և այլն)։

Կոմիտեի հանձնարարությամբ հուշարձանների վերաբերյալ անհրաժեշտ աշխատանքները կատարվելու են կոմիտեին անդամ, ճարտարապետ Բունիաթյանի ղեկավարությամբ։

Բացի այդ, ի նկատի ունենալով նաև Երևանում ներկայումս տեղի ունեցող բարեկարգման աշխատանքները՝ կոմիտեն դիմում է Ձեզ, խնդրելով տրամադրել որոշ բանվորական ուժ և հնարավորություն՝ մաքրելու Սարգարի մզկիթի շուրջը և, առհասարակ, այդ հուշարձանի պահպանությունը ավելի ապահով հիմունքների վրա դնելու համար։

Նախագահ [Ա. ԹԱՄԱՆՅԱՆ]

Դիմումն է հանձնարվում ԱՇԽԱՐՀԱՐԵԿ ԲԱԼԱՆՔԱՐՅԱՆ

Ֆ. 1063, ց. 1, գ. 41, թ. 1։ Բնագիր։ Ձեռագիր։

Հայաստանի հնությունների պահպանության կոմիտեի գրությունը արդարադատության ժողովրդական կոմիսարին՝ Գրիգոր Մաղիստուսի ամբիոն-արձանի ոչնչացման և նանցագործներին դատական մարմինների կենտրոններում նախաձեռնելու մասին

27 հուլիսի 1926 թ.
Երևան

Խորհրդային իշխանությունը շատ է մտահոգված պատմական հնությունների պահպանության գործով և այդ նպատակի համար միշտ ընդառաջ է դնում կոմիտեին, որի գիտական վարչական կոշումն է հենց պահպանությունը և ուսումնասիրությունը այդ հնությունների։

Դժբախտաբար, նույն մտահոգությունը չեն ցուցաբերում պաշտոնյաներից ոմանք, և երբեմն վանդալիզմի զոհ են դառնում խոշորագույն պատմական արժեք ներկայացնող հուշարձանները։

Այդպիսի²⁵ անյուր վանդալիզմի զոհ է դառել մոտ օրերս Գրիգոր Մաղիստուսի²⁶ ամբիոն-արձանը՝ արժեքավոր արձանագրություններով, որպիսի հուշարձանը անզուգական կոթողն է ոչ միայն հայ արվեստի, այլ ընդհանրապես կուլտուրայի, որի արժեքը քաջառիկ և համաշխարհային մասշտաբով։

Մաղկաձորի հանգստյան տան համար հարկավոր են եղել սյուներ-ցեղեր՝ իբրև նեցուկ՝ ու այդ անզուգական հուշարձանը քանդել են ու գործադրել այդ նպատակի համար, կոարատելով, բաժան-բաժան անելով ամբիոն-արձանը։

Այս վանդալիզմի պատասխանատվությունը, ըստ մեր ստացած տեղեկությունների, ընկնում է տեխնիկ Գեորգիյ Մակարյանի, գաղզործկոմի աշխատակից Գալաշյանի և կապալառու Լազար Աբրիկովի վրա։

Վերոհիշյալների անմիջական պատասխանատվության թե անփութության խնդիրը, ինչպես նաև այն հանցագործների երևան հանելը դատական մարմինների քննության գործն է, որպիսին և խնդրում ենք Ձեզ:

Ընդամին կցում ենք համապատասխան ղեկուցման պատճենը, այլև լիազորում ենք Կոմիտեիս անդամ, գիտնական քարտուղար ընկ. Աշխարհաբեկ Քալանթարին տալ պատշաճ բացատրություններ:

Միաժամանակ, որովհետև այդ հուշարձանի ռեստավրացիան Կոմիտեից ահագին ծախս է պահանջելու, ուստի և ներկայացնում ենք քաղաքացիական հայց ևս, որի պաշտպանությունը հանձնում ենք համալսարանի դասախոս ընկ. Գրիգոր Չուբարյանին:

Հայցի շարժը կորոշենք մոտ օրերս:

Խնդրում ենք տալ արագ ընթացք այս մեր հայտարարության:

Հնությունների պահպանության կոմիտեի նախագահ [Ա. ԹԱՄԱՆՅԱՆ]

Գիտնական ֆարաուզար [ԱՇԽԱՐՀԱՅԵԿ ՔԱԼԱՆՔԱՐ]

Յ. 1063, ց. 1, գ. 41, թ. 3: Մեքենագիր: Պատճեններ:

Գառնիի շրջագործկոմի նախագահին՝ Գեղարդի վանքը անուշադրության մատենելու մասին

28 մարտի 1926 թ.

Երևան

ՀՀՊ կոմիտեի ստացած տեղեկությունների համաձայն Գեղարդա վանքը, մատենված լինելով բացարձակ անուշադրության, վեր է ածվել փարախի՝ հարյուրաւոր ոչխարների համար և զուրկ լինելով որևէ խնամքից՝ առվի և անձրևի ջրերը ճահճանալով շենքերի պատերի տակ, մեծապես վտանգել են նրանց տեխնիկական վիճակը:

Կոմիտեն խնդրում է պատասխանատվության ենթարկել հուշարձանը կեղտոտողներին և միջոցներ ձեռք առնել մաքրել տալու նրան կեղտից ու ջրից:

Շրջանիդ հնությունների դրությունն ստուգելու համար կոմիտեիս ներկայացուցիչը մի քանի օրից կլինի Ձեզ մոտ:

Գիտնական ֆարաուզար՝ ԱՇԽԱՐՀԱՅԵԿ ՔԱԼԱՆՔԱՐ

Յ. 1063, ց. 1, գ. 24, թ. 6: Մեքենագիր: Պատճեններ:

Լուսավորության ժողկոմ Ա. Եղիազարյանի գլխավոր ժողովրդական կոմիսարներին խորհրդի նախագահ Գալոյանին՝ Մաղկաձորի հուշարձանների խմբի վերանորոգման մասին

14 օգոստոսի 1936 թ.

Երևան

Դարաշիշագի (հին Կեղառութի) հուշարձանները Հայաստանի ֆեոդալական ժամանակաշրջանի արվեստի և ճարտարապետության ամենանշանավոր կոթողներից են և կառուցված են XI դարի սկզբներում (1003—1033): Գլխավոր հուշարձանը, որ կոչվել է «Գրիգոր Լուսավորիչ», կառուցվել է Գրիգոր Մագիստրոսի նախաձեռնությամբ, 1003 թվին:

Այս հուշարձանի անսյուն չմքեթը և մի քանի այլ մասերը քանդվել են երկրաշարժից, 1827 թվին: Մնացած հուշարձանները շինվել են Հայաստանի ֆեոդալական նշանավոր տներից մեկի՝ Պաշլավունիների ձեռնբերությամբ:

Այդ վանքերը մինչև XIV դարն ունեցել են որպես սեփականություն 25 գյուղ և մեկ քաղաք: Գրիգոր Մագիստրոսը այդտեղ հիմնած է ունեցել ճեմարան, որը եղել է ժամանակի դպրոցներից մեկը:

Հիշյալ հուշարձանները ներկայումս գտնվում են շատ վատ դրության մեջ: Բաժինս դրամական միջոցներից զրկված լինելով, ոչ մի կերպ չի

կարողացել կարգի բերել և հենի չկայելու դրույթյան մեջ այդ հուշարձանները: Պահանջվում է մոտ 14.000 ռուբլի՝ մաքրել տալու քույր հուշարձանները քարերից և աղետոսությունից, ծածկել տալու քանդակած դմբները, ամրացնելու վիճակում հնթակա մասերը, կազմակերպելու թանգարան և այլն: Դրա համար կազմված նախահաշիվը ներկայացնում եմ գրությունս առնձններ:

Այդ աշխատանքները կարելի է սկսել այժմ, եթե ժողովուրդը պահանջված դրամական միջոցները տրամադրի մեզ: Գուցե հնարավոր լինի նաև այսպես անել. 6.000 ռուբլի հատկացնել աշխատանքների մի կարևոր մասը կատարելու այժմ (մաքրել տալ ըսկը, կարգավորել), իսկ մյուս մասի համար պահանջվող գումարը բայց թողնել առաջիկա տարի և այդ ժամանակ ավարտել ամբողջ աշխատանքը:

Առդիր՝ նախահաշիվը և ժողովուրդի որոշման նախագիծը:

Լուսժողովու Ա. ԵՂԻԱՋԱՐՅԱՆ

Ֆ. 113, ց. 4, գ. 10513, ք. 17: Հաստատված պատճեն: Մերենագիր:

ՀԽՍՀ ժողովուրդների որոշումը Մաղկաձորի հուշարձանների պահպանության մասին

9 հոկտեմբերի 1938 թ.
Երևան

1. Նկատի ունենալով, որ Դարաշիշագի հուշարձանների խումբը Հայաստանի ֆեոդալական ժամանակաշրջանի արվեստի և ճարտարապետության նշանավոր կոթողներից է, կառուցվել է XI դարի սկզբներում և ունի պատմական խոշոր նշանակություն, ինչպես նաև նկատի ունենալով նրանց պահպանման անհրաժեշտությունը, հանձնարարել ֆինանսների և լուսավորության ժողովուրդներին վերահիշյալ նպատակի համար 1937 թ. լուսավորչության ժողովում նախատեսել 15.000 ռուբլի:

2. Գտնել անհրաժեշտ՝ այս տարվա վերանորոգումների համար հատկացնել 6000 ռուբլի: Հանձնարարել ֆինանսական գտնել միջոցներ այդ նպատակի համար:

3. Հանձնարարել լուսժողովուրդին 5 օրվա ընթացքում Պետական ներկայացնել ՀԽՍՀ-ի հուշարձանների վերաբերյալ լուսժողովում եղած նյութերը՝ [19]37 թ. նրանց պահպանության համար ձեռնարկումներ մշակելու նպատակով:

4. Ժողովուրդի հերթական նիստերից մեկում լսել լուսժողովուրդի զեկուցումը՝ ՀԽՍՀ-ում հուշարձանների պահպանության ներկա դրության հետագա անելիքների մասին:

ՀԽՍՀ ժողովուրդների նախագահ Ա. ԳՈՒԼՈՅԱՆ

ՀԽՍՀ ժողովուրդների կառավարիչ Բ. ՀԱՐՈՒԹՅՈՒՆՅԱՆ

Ֆ. 113, ց. 4, գ. 10513, ք. 9: Բնագիր: Մերենագիր:

Հայկական ԽՍՀ լուսժողովուրդի գալառագիտական արշավախմբի հաշվետվությունը Աշտարակի և Արարածի շրջանների պատմական հուշարձանների դրության և պահպանության վիճակի մասին

21 հոկտեմբերի 1939 թ.
Երևան

Լուսժողովուրդի՝ օգոստոս ամսին կազմակերպած Արագածի գավառագիտական էքսպեդիցիան միաժամանակ զբաղվել է Արագածի հարավային և արևելյան լանջերին ընկած պատմական հուշարձանների պահպանության և արդի գրություն ուսումնասիրությանը: Այդ նպատակով էքսպեդիցիան այցելել է հետևյալ պատմական վայրերը. Աշտարակ, Փարպի,

Մուղնի, Կարբի, Օհանավանք, Ոսկեվազ, Ագարակ, Բյուրական, Ամբերդ-ամրոցը, Արարանում՝ Շիրադալա, Ղաղնաֆար, Բլխեր, Չամբլու, Զուլակ*, Մոավյան և մի շարք այլ պատմական վայրեր, ընկած Արագածի տարբեր վայրերում:

Պատմական հուշարձաններով հարուստ այդ վայրերում գտնվող համարյա բոլոր հուշարձանների պահպանության դրությունը միանգամայն վատ է: Բացակայում է սիստեմատիկ հսկողությունը: Բոլոր հուշարձանները գտնվում են հակասանդիտարական վիճակում. մի քանիսը նրանցից շունեն դռներ և այդպիսի հուշարձանները վեր են ածվել աղբանոցի: Այդ տեսակետից կարևոր է հիշել Հախսի գյուղի Արշակունյաց հայտնի դամբարանը, որը կատակոթբային ձևի մնացած ամենակարևոր հուշարձանն է. ծածկված էր աղբով: Հուշարձանին իրպես փոքրիկ շենքում տեղավորված է գյուղի կոլտնտեսության դարբնոցը, որն իր աղբը թափում է հուշարձանի հատերին, և նթն ալսպես շարունակվի, հուշարձանը մի օր կմնա դետնի տակ:

Այդպիսի վիճակում են գտնվում նաև Սերկելի, Անապատի** վանքերը, որոնք, զուրկ լինելով որևէ հսկողությունից, քանդվում են, ինչպես, օրինակ՝ Սերկելի վանքի գյուղատեղին, որն անմիջապես զանքին կպած է, կոլտնտեսություն, առանց խուլտվության օգտագործում է իր նպատակները համար և անվերում է պատմական այդ գյուղատեղին: Այդպիսի անմխիթար վիճակում է գտնվում նաև Կարբիում գտնվող նախկին Նարինջ քաղաք կոչված վայրը, որտեղ օգտագործում են ազատ հողամասերը, ով ինչպես ցանկանում է. և բազմաթիվ տապանաքարեր, պատմական նշանակություն ունեցող, ոչնչանում են: Պատմական խոշոր նշանակություն ունեցող Ամբերդ ամրոցը նույնպես գտնվում է անմխիթար վիճակում: Այս տարիքի սմառը հոսանքները քանդել են Օրբելու կառուցած կամարը և պատերից [տաբել] որոշ չափով քարեր: Շատ տխուր տպավորություն է թողնում Հալաբ, որի պատերի վրա համարյա տեղ չկա, որ զանազան ձևի, անճոռնի և հանազան տեղ գույներով հագնար ու մի մակագրություններ չլինեն: Սա միանգամայն անթույլատրելի է և արդյունք է վատ հսկողության: Շիրադալայի պատմական բերդը, որը գտնվում է հողի տակ, բոլորովին չի պահպանվում, նրա մի մասը հողերի բաշխման ժամանակ տրված էր կոլտնտեսականներին՝ որպես տնամերձ հողամաս, որոնք օանդում են, ցանքս անում այդ հողամասում, տուն կառուցում, և, ինչպես պատմեցին տեղում, բավական արժեքավոր իրեր են դուրս եկել: Այսպես անմխիթար վիճակում են գտնվում մեր այդ վայրերն այցելած համարյա բոլոր հուշարձանները: Դրանք թեև բացառություն է կազմում Օհանավանքը, որը լավ է պահպանվում (տեղում), իսկ այս հուշարձանի վերաբերյալ պետք է ասել, որ վերանորոգումը ձգձգվում է:

Բոլոր վայրերում, ուր մենք առիթ ենք ունեցել այցելելու, պատմական հուշարձանների պահպանության թե՛ շրջանային լիազորները և թե՛ գյուղական հսկիչները գանգատվում են, որ պատմական հուշարձանների վրա միտեն հարկ եղած ուղադրություն չի դարձնում հուշաբանների գծով կատարվող անհրաժեշտ թափանցանքները բավարարելու կապուկցությամբ, որ թույլ է կոմիտեի օպերատիվ ղեկավարությունը: Կոմիտեի հրահանգները չեն լինում տեղերում և եղած ժամանակ հարկ եղած օգնություն ցույց չեն տալիս:

Վերջապես, որոշ շփոթ գոյություն ունի նաև շրջանային բյուրոները նպատակին ծախսելու գործում: Մի շարք ժողովրդագիտններ տնօրինում են հուշարձանների կոմիտեի բյուրոն այնպես, ինչպես իրենք են ցանկանում, հա-

* Այժմ՝ Վարդենու, Արագած, Շենավան, Եղիպատու, Աղց-գյուղեր Ապարանի շրջանում:

** Այս հուշարձանները գտնվում են ներկայիս Օհանավան գյուղի տարածքում:

ճախ այդ գումարները օգտագործելով ոչ իր անմիջական նպատակին: Մի շարք հուշարձաններ շարունակում են օգտագործվել կոլտնտեսությունների կողմից, հաճախ նույնիսկ առանց թույլտվության, որպես պահեստ, ինչպես օրինակ՝ Փարպիի պատմական V դարի ֆեոդալական ամրոցը, որը միանգամայն անթույլատրելի է: Մինչև օրս ոչ մի զբաղեցրած հուշարձանի վերաբերյալ պայմանագրեր զբաղեցնողների հետ կնքված չեն, չնայած այդ մասին իր ժամանակին լուստողկոմատը պարտավորեցրել էր հուշարձանների կոմիտեին՝ նման պայմանագրեր կնքելու:

Աշտարակի և Աբարանի վերոհիշյալ վայրերն այցելած բոլոր հուշարձանները, առանց բացառության, շունեն համապատասխան բացատրական տախտակներ, անհրաժեշտ տեղեկություններ տվյալ հուշարձանի պատմության և նշանակության մասին: Գյուղական ինտելիգենցիան, աշակերտությունը, կոմերիտությունը, պիոներիան պետք է ներգրավել հուշարձանների պահպանության գործի մեջ և հուշարձաններն ուսումնասիրելու հետաքրքրություն ստեղծել հենց նույն վայրերում: Այս աշխատանքով չի զբաղվել հուշարձանների կոմիտեն: Չպետք է մոռանալ, որ մեզ մոտ՝ Հայաստանում, պատմական հուշարձանների թվում բավական պատկառելի տեղ են գրավում հին վանքերը, մատուռները, եկեղեցիները: Այդ տեսակետից առաջնահերթ խնդիր պետք է դառնար մեր հուշարձանների պահպանության կոմիտեի համար այդ հուշարձանները, որոնք պահվում են որպես հնագիտական, համապատասխան բովանդակությամբ ձևավորելու: Եթե ոչ, հաճախ ստացվում է այն տպավորությունը, որ խորհրդային խշկանությունը դեմ չէ եկեղեցուն, այլ՝ ընդհակառակը, այն պահպանում և վերանորոգում է նույնիսկ: Այդ կա գյուղացիների որոշ շերտերի մեջ: Այս կերպ ինչու՞ր բացատրել այն հանգամանքը, երբ Փարպի գյուղի սուրբ Գրիգոր կոչված XIII դարի մենաստանը ծառայում է մինչև օրս սրբատեղի, որտեղ շրջակա մի շարք գյուղերից, անգամ հեռու տեղերից ուխտ են գալիս կատարած ջան կծած մարդուն բուժելու և այլ նպատակների համար: Եվ այդ կատարվում է բավական հաճախ: Մոգվյան գյուղում նույնպես պատմական հուշարձանի դռանը շարունակում են մատաղ անել, մոմ վառել և զանազան ցավերի դեմ դիմել աստծու օգնությունը:

Այդպիսի դրություն գոյություն ունի համարյա բոլոր շրջաններում: Սրա պատճառը մի կողմից այն է, թր հուշարձանների վերաբերյալ տեղեքում չկան կարճ բացատրագրեր, հուշարձանների պահպանության կոմիտեի աշխատակիցները տեղերում եղած ժամանակ հարկ եղած շափով չեն զբաղվում այդ հարցերով, իսկ որ ամենակարևորն է, ամենահիմնականը, ոչ մի նման հուշարձան չի ձևավորված հակադրոնական բովանդակությամբ: Այնինչ այս խնդրում ՀԴԿ* տնօրինության տակ դրանված ոչ մի հուշարձան չի ձևավորված չանպես, որ Երևա, թե ի՞նչ նպատակով է խորհրդային խշկանությունը պահպանում այդ հին եկեղեցիները, թե ինչու՞ն է նրանց պատմական արժեքը, միառժամանակ ցույց տալ եկեղեցու ռեակցիոն և շահագործողական դերը մեր ժողովրդի պատմության մեջ: Հակակրոնական պրոպագանդայի գործում այս կապակցությամբ խոշոր անելիքներ ունի պատմական հուշարձանների պահպանության կոմիտեն: Վերջում ավելորդ չի լինի նաև հիշատակել մի կարևոր հանգամանք, որ, չնայած ժողովրդախոթի որոշմանը, շրջաններում կուտակված նախկին եկեղեցական գույքը արջկենտրոն հավաքելու և արժեքավոր թանգարանային իրերը այնտեղից առանձնացնելու ու թանգարաններ տեղափոխելու աշխատանքը դանդաղ է ընթանում: Ինչպես տեղերում մենք պարզեցինք, նախկին եկեղեցիներում եղած շատ արժեքավոր իրեր (թանգարանային տեսակետից)

* Հնությունների պահպանության կոմիտե:

հաիզտակվել են, այդ թվում նաև արժեքավոր ձեռագրեր, ինչպես օրինակ՝ Շիրադալա գյուղում:

Այդ աշխատանքների ավարտումը պետք է արագացնել և շտապ վարգով մեր թանգարանները տեղափոխել պատմական նյութերը: Վերջում պետք է Պիշատակել նաև, որ պատմական արժեք ունեցող որոշ քարեր, որոնց վրա կան պատմական արձանագրություններ, պետք է տեղափոխել շրջանային թանգարաններ կամ ապահովել նրանց պահպանությունը տեղում, օրինակ, Մոավյանում արժեքավոր արձանագրությամբ որոշ քարեր թափված են բակում, բաց արևի տակ: Ինչպես որոշ տեղերում մեզ հայտնեցին, նրանց մի մասը դեռևս ընթերցված չէ:

Պատմական հուշարձանների պահպանության կոմիտեի ուղարկությամբ պետք է հրավիրել այն հանգամանքի վրա, որ շրջաններում եղած արժեքավոր ձեռագրերի հավաքումը չեն կազմակերպում, ինչպես որոշ տեղերում, օրինակ, Աբարանում մեզ հայտնեցին, որ նույնիսկ ՀՊԿ-ն հայտնել է, որ իրենք ձեռագրերի գնման գործով չեն չորացվում, որի հետևանքով ձեռքի տակ եղած ձեռագրերը փերադարձվել են իրենց տերերին:

Այս է էքսպեդիցիայի այցելած վայրերի պատմական հուշարձանների վերաբերյալ կատարած աշխատանքի նկարագրությունը:

Էքսպեդիցիայի ղեկավար՝ Վ. ԳԱՐՅԱՆ

Ձ. 1063, ց. 1, գ. 353, թ. 1-4: Մեքենագիր: Պատճենը:

Հուշարձանների պահպանության վարչության բաժնի պետի գեկուցումը Իշենի շրջանի գործկոմի նախագահին՝ Գոշավանին և Գոշ գյուղի սահմաններում գտնվող հուշարձանների պահպանության և դրանց վիճակի մասին

4 հուլիսի 1964 թ.
Երևան

Մեր վերջին ստուգումը ցույց տվեց, որ Գոշավանի և Գոշ գյուղի սահմաններում գտնվող հուշարձանների պահպանությունը թողնված է անհանդուրժելի վատ վիճակում:

Գոշավանի հուշարձաններն ապօրինի կերպով օգտագործվում են ինչպես Կուրբիչի սովխոզի, այնպես էլ այլ կազմակերպությունների ու անհատ մարդկանց կողմից: Հուշարձանները լցված են ամեն տեսակի իրերով ու նյութերով և առնված են փականքի տակ:

Անհրաժեշտ է լրիվ դատարկել, մաքրել և բանալիները հանձնել պահակին՝ այցելուներին ի սպաս դնելու համար:

Սեդանատան ներսը սլաքիներ ջարդոնակ տարբեր-մոտիվներով և տարբեր անձինք օգտագործում են մերթ որպես լքանջարանոց, մերթ որսիս պտղատու ծառերի պարտեզ, իսկ այժմ էլ՝ նաև որսիս պահեստ:

Համաձայն հուշարձանների պահպանության կանոնների՝ խստիվ արգելվում է նրա ներսում գյուղատնտեսական որևէ աշխատանք (ինչպես և կառուցումներ) կատարելը, ուստի պետք է անհապաղ մաքրել այդ հուշարձանը այնտեղ եղած կանաչից, ծառերից և պահեստային կառուցվածքներից:

Հուշարձանախմբի արևելյան կողմի քնակիչ Արշակ Գրիգորյանը, որ տարիներ շարունակ խցկվում է հուշարձանի տերիտորիան և ավերում նրա արևելյան կողմի պահպանված կառուցվածքների մնացորդները, այժմ էլ ավերել է մի մատուռի պահպանված հիմքերը, իսկ մյուս մատուռն առնելով իր սահմանի մեջ, օգտագործում է որպես խոզանոց, թռչնոց և այլն:

Անհրաժեշտ է նրա քնակիչ շենքի արևմտյան պատը սահման ընդունելով անջատել հուշարձանների հարթակի լանջերն իրենց կառուցվածքների մնացորդներով և Գրիգորյանի տնտեսական նպատակով ստեղծված

հարմարությունները, աղտոտությունները փոխադրելու իր բնակարանի մյուս կողմը:

Դեպի Մխիթար Գոշի դամբարանը տանող մեծ կողմից բարեկարգվող ճանապարհի սկզբում եղած գոմերը միանգամայն ապօրինի են և աղտոտում ու քակքայում են թե՛ մեծ նորակառույց հարթակն ու աստիճանները և թե՛ խանգարում գյուղատնտեսական ճանապարհին:

Այս պայմաններում միանգամայն անիմաստ են դառնում նաև մեր հետագա աշխատանքները հիշյալ ճանապարհի բարեկարգման ուղղությամբ:

Պարզ գյուղի մոտ գտնվող գյուղատեղի եկեղեցին և նրա շուրջը տարածված գերեզմանոցն այս 1964 թվի ընթացքում կանխամտածված ձևով ավերել են: Բոլոր գերեզմանաքարերը շուռ են տվել, տակը պեղել, համալիրաբար նյութական արժեքներ փնտրելու նպատակով: Այդպիսի բարբարոսական արարքը ոչ մի չկրթյալ և անպատիժ թողնել: Որոշ հանգամանքներ ցույց են տալիս, որ այդ հանցագործները Գոշի բնակիչներ են: Պետք է այդ մասին հատուկ ցուցում տալ նրանց հայտնաբերելու և պատասխանատվության ենթարկելու:

Պահակ Գոհար Ռևազյանը լրիվ անտարբերության է մատնել հուշարձանների պահպանության գործը և ոչ մի չափով չի վատարում իր պարտականությունները: Հուշարձանների ներսի կեղտն ու նրանց վրա թուրած կանաչները տարիների վաղեմություն ունեն:

Պետք է անհապաղ ազատել Գոհար Ռևազյանին և նրա փոխառն մի այնպիսի մարդու նշանակել, որ կարողանա հուշարձանները դուրս բերել ներկա վիճակից ու անպահովի նրանց հետագա պահպանությունը:

Նման պայմաններում հուշարձանների թողնելը միանգամայն անհանդուրժելի է, ուստի անհրաժեշտ է տեղական օրգանների և հատկապես գյուղական սովետի գործկոմի ուղարկությունը հրավիրել այդ հարցի վրա:

Խնդրում ենք, վերը նշվածների վերաբերյալ համապատասխան միջոցներ ձեռք առնել և արդյունքների մասին հայտնել լրիվ:

Հուշարձանների պահպանության վարչության թեմի պետ Բ. Լ. ՀՈՎՀԱՆՆԻՍՅԱՆ
Ձ. 106, ց. 1, գ. 712, ք. 16: Մեքենագիր, Պատճեն:

ԾԱՆՈԹԱԳՐՈՒԹՅՈՒՆՆԵՐ

1 Կովկասյան մուգն—հիմնադրվել է 1867 թ. Թիֆլիսում՝ գերմանացի դիտնական Գուստավ Ռադեի շնորհիվ: Ռադեն եղել է թանգարանի առաջին տնօրենը:

2 Սմբատ Տեր-Ավետիսյան (1875—1943)—պատմաբան, հնագետ, մանկավարժ, պատմական գիտությունների դոկտոր (1936): Հավաքագրել է Հայաստանի և հայկական դադթավայրերի արձանագրությունները և կազմել հայկական վիմագիր արձանագրությունների ժողովածու: 1904 թ. մասնակցել է Ն. Մառի դեկավարությանը Անիում կատարված հնագիտական աշխատանքներին: Հետագայում պեղումներ է կատարել Ղազախի շրջանում, Ղարաբաղում, Գիլանում, Նախիջևանում, Արմավիրում, Կարսում, Դվինում և այլուր:

3 Առաքելոց վանք—կոչվել է նաև Ս. Ղազարի վանք, Տիրիկատարի վանք, ս. Թադևոս, Թարգմանյաց վանք, միջնադարյան հայկական վանքային համալիր, գտնվում է Մուշից մոտ:

4 Կմ հարավ: Ըստ ավանդության, հիմնվել է Գրիգոր Լուսավորչի, առաքյալների՝ Հռոմից բերված մատուցների վրա: Աղբյուրներում նշվում է XI դարից, բարգավաճել է XII դարում: XV—XVI դդ. դարձել է գյուղական նշանավոր և գործուն կենտրոն:

4 Աղբյուրյան Նիկոլ Պողոսի (1873—1947)—գրականագետ, մանկավարժ, ՀՀ դաշնակցության դեկավար գործիչներից: Եղել է Հայաստանի Հանրապետության (1918—1920) խորհրդարանի անդամ: 1919-ից ՀՀ լուսավորության և արվեստի նախարարն էր:

5 Աշխարհարեկ Քալանթար (1884—1942)—պատմաբան, հայագետ, հնագետ, աշխատել է Ն. Մառի մոտ, մասնակցել Անիի հնագիտական պեղումներին: Հայաստանում զբաղվել է հնությունների, հուշարձանների պահպանության խնդիրներով, եղել է Հայաստանի հնություն-

ների պաշտպանության կոմիտեի գիտնական քարտուղարը՝ Նրա աշխատությունները նվերված են Հայաստանի պատմահնարական բազմաթիվ հարցերին (հին քարի դարաշրջանից մինչև միջնադարը ներառյալ), արվեստի և ճարտարապետության հուշարձանների, վիճակագրական տվյալների և ժայռապատկերների գիտական լուստրանմանը:

6 Սամուելյան (Օրբելի) — Կյուրիկյան Բագրատունյաց թագավորության աղաքին մայրաքաղաքը (երկրորդը լոռեն է), գտնվում է Վրաստանի հանրապետության Թեթրի-Մուրաբի (Սպիտակ ջրհոր) շրջանի Շամշուգե հայաբնակ գյուղի մոտ, երամ գետի ձախ ափին:

7 Դմանիս — X—XIII դդ. միջնադարյան քաղաքապետի գտնվում է ներկայիս Վրաստանի հանրապետության Դմանիսի շրջանի փոքր Դվանիս գյուղի մոտ:

8 Սոր — վաղ միջնադարյան բերդ և ավան, իշխանանիստ, Սորոփոր Գավառի վարչական կենտրոնը, ներկայիս համանուն գյուղը Վրաստանի Մառնեուլի շրջանում:

9 Խորանիս — XII—XIII դդ. վանական համալիր, գտնվում է Մառնեուլի շրջանի Չանալի գյուղի մոտ: Նշանավոր է խաչվող զույգ կամարներով գավառը: Ունի հայերեն թագավորական գրություններ:

10 Կայծն — միջնադարյան բերդ ներկայիս Թումանյանի շրջանում:

11 Շնոզ — հայաբնակ գյուղ Թումանյանի շրջանում:

12 Կայուն — միջնադարյան բերդ Դերեդ գետի հովտում, Վաղպատ գյուղի մոտ:

13 Լոռի (հին՝ Լոռն) — միջնադարյան բերդաքաղաք, Կյուրիկյան հայ Բագրատունյաց թագավորության երկրորդ մայրաքաղաքը, գտնվում է ներկայիս Ստեփանավան քաղաքի մոտ:

14 Աղբալա — XIII դ. հունադավան հայերի հոգևոր կենտրոններից է Հյուսիսային Հայաստանում, գտնվում է ներկայիս Թումանյանի շրջանի Աղթալա գյուղում:

15 Խոթունի — X—XIII դդ. բերդ, ներկայումս կա նաև նույն անունով գյուղ Վրաստանի Մառնեուլի շրջանում:

16 Ջիլիդ — հայաբնակ փոքրիկ գյուղ Լավար լեռան հյուսիսային լանջին, Թումանյանի շրջանում:

17 Չանալու վանք — տե՛ս Թ. 9, Խորանիս:

18 Խուշար — (վրացերեն՝ Լուշարի) XIII դ. հունադավան հայերի հոգևոր կենտրոն, գտնվում է Մառնեուլի շրջանի Աղբալուփի (Սպիտակ կամուրջ) գյուղի մոտ:

19 Բզավոր — XIII դ. ճարտարապետական հուշարձան, գտնվում է Թումանյանի շրջանի Աղբալի գյուղի մոտ:

20 Սեզվի — հայաբնակ գյուղ Թումանյանի շրջանում:

21 Ջաքար — Ջաքար Բ Մեծ իշխան (ծննդ. թիվն անհայտ է, մահ.՝ 1212), զորավար, պետական-քաղաքական գործիչ, ամիրսպասալար (վրաց-հայկական զորքերի գերագույն հրամանատար), Սարգիս Մեծ Երկայնաբազուկի և Սահակադուխտ Արծրունու որդին: 1191-ին վրաց թագավոր Թագուհուց ստացել է ամիրսպասալարի, 1203-ին՝ մանդատոր թուխտցանի (արքունի կնքապահ և թագուհու թիկնազորի պետ) պաշտոնները՝ դառնալով պետության առավել ազդեցիկ դեմքը: Հրապարակել է արքայական հրամանագրերն ու կարգադրությունները, գլխավորել բոլոր արշավանքներն ու պատերազմները՝ վերջիններիս ժամանակ թագուհուց ստանալով նաև արքայական դրոշմը: Որպես ամիրսպասալար, ուներ մշտական բնակատեղի՝ Լոռն քաղաքը: Գլխավորելով հայ-վրացական միացյալ բանակը, եղբոր՝ Իվանն աթաբեկի հետ ավելի քան 20 տարի շարունակ ազատագրական կռիվներ է մղել Հայաստանի կենտրոնական ու հարավարևելյան շրջաններում կոտակված սելջուկյան էմիրությունների դեմ: Այդ կռիվների ընթացքում ազատագրել է Հյուսիս-արևելյան Հայաստանի մեծագույն մասը, որտեղ էլ հիմնվել է Ջաքարյանների իշխանությունը: Մահացել է հիվանդությամբ և թաղվել Սանահին վանքի՝ Ջաքարյանների տոհմական գերեզմանոցում:

22 Դարբ — գյուղ (և ձմեռանոց) Լոռիում, Սանահինի շրջակայքում, XVIII դ. սկզբներին պատկանում էր Սանահինի վանքին: XX դ. առաջին քառորդում արդեն սովորական ձմեռանոց էր, ուներ 94 բնակիչ (1926-ին) և մտնում էր Ալավերդու (այժմ՝ Թումանյան) շրջանի մեջ՝ Հետադարձվել է:

23 Ս.Սարգիս — վանք Մառնեուլի շրջանի Աղբալուփի գյուղի մոտ:

24 Նեֆով բազիլիկ—միանավ բազիլիկ եկեղեցի, ուղղանկյունաձև հատակագծով թա-
ղածակ շենք։

25 Գրիգոր Մագիստրոս Պաճլավունի (990—1058)—XI դ. գիտնական, փիլիսոփա, ման-
կավարժ, սերում է Պաճլավունի իշխանական տոհմից, կոչվել է Նաև Գրիգոր Բլենքի։ Ծնել
է ժամանակի լուսավորյալ մարդկանցից մեկը, ղգալի հետք է թողել հայ միջնադարյան
մշակութի պատմության մեջ։ Հիմնադրել է սեփական դպրոց, որտեղ դասավանդել է ճար-
տասանություն, փիլիսոփայություն, քերականություն, մաթեմատիկա։ Կառուցել է վանքեր,
եկեղեցիներ, մատուռներ՝ Կեղառիսում, Հավուց-Թառում և այլուր։